

史學輯佚文獻彙編

翟金明 主編

國家圖書館出版社

31

魯世家索隱

二諸侯年表引同

穀梁疏

名軌

左桓元年正義

史魯世家索隱

穀梁疏

史學輯佚文獻彙編

31

中華書局出版

第三十一冊目錄

別史類(三十一)

東觀漢記八卷(卷六—八) (漢)劉珍等撰 (清)姚之駟輯

卷六 一

卷七 五五

卷八 一〇五

東觀漢記二十四卷(卷一—十二) (漢)劉珍等撰

卷一 一九九

卷二 二三九

卷三 二六一

卷四 二八一

卷五 二八九

卷六 三一

卷七		三二三
卷八		三四五
卷九		三七一
卷十		三九三
卷十一		四一五
卷十二		四三一

欽定四庫全書

後漢書補逸卷六

監察御史姚之駟撰

東觀漢記第六

張禹

永平六年張禹為廷尉府北曹吏處事執平為京師所
稱明帝以其明達法理有張釋之風超遷非次拜廷尉

案禹字伯達趙國襄國人范稱禹以永平八年舉孝
廉稍遷至建初中拜揚州刺史則明帝時禹安得驟
拜廷尉然審本書所
載又似不誤佚攷

禹父歆守臯長有報父讐賊自出歆召囚詣閤曰欲自
受其辭既入解械飲食之更發遣竟棄官亡命逢赦出
由是鄉里服其高義後仕為淮陽相時王新歸國賓客
放縱干亂法禁歆將令尉入宮搜捕王白上左遷為汲
令卒官

案范書歆初以報讐逃亡
後為淮陽相與此不同

禹好學習歐陽尚書事太常桓榮惡衣食

徐縣北界有蒲陽陂水廣二十里徑且百里在道西其

東有田可萬頃禹為開水門通引灌溉率吏民假與種糧禹巡行守舍止大樹下食糗乾飯屑飲水而已後年鄰國貧人來歸之者茅屋草廬千餘戶屠沽成市墾田千餘頃得穀百萬餘斛

案此禹為下邳相時事修水利闢田疇此真經濟也舍止大樹何異召伯甘棠

功曹吏戴閏從行縣從書佐假車馬付物禹聞知令直符責問閏具以實對禹以宰士惶恐首實令自致徐獄

案閏故太尉掾也權動郡內故禹譴之若此由是長吏以下莫不震肅

禹留守西宮大官朝夕送食賜闔登具物除子男盛為郎

案和帝時南巡祠園廟禹以太尉兼衛尉留守也

張禹為太傅尚書鄧太后以殤帝初育欲令重臣居禁內
乃詔禹與三公絕席

案元老居禁內則闔豎無所肆其奸矣而一再傳後遂有回天獨坐之微何其不能法祖也

樊顯

上嘗召見諸郡計吏問其風土及前後守令能否蜀郡
計掾樊顯進曰漁陽太守張堪昔在蜀其仁以惠下威

能討姦前公孫述破時珍寶山積捲握之物足富十世而堪去職之日乘折轅車布被囊而已上聞歎息以顯陳堪行有效即除漁陽令

案范書見張堪傳漁陽令范作漁復長魚復屬巴郡漁陽屬漁陽郡未知孰是

丁邯

丁邯高節正直不撓舉為孝廉

案范書闕

張道順

楊文薦張道順利見顯衝必能騰跳天路

案范書闕道
順必其字也

劉弘

劉弘字叔紀年十五治歐陽尚書布衣徒行講誦孜孜

案范儒林
傳無弘名

弘天資善學師事劉述常在師門講誦不輟

案劉述亦不
見之范書

衛颯

衛颯為桂陽太守鑿山通路列亭置驛

案颯字子產
河內修武人

颯為桂陽太守視事十年徵還颯到即引見賜食于前
從吏二人賜冠幘錢人五千

案范書颯徵還時帝欲以為少府會疾勅
歸須後詔世祖之于循吏其恩渥若此

賈逵

永安十七年公卿以神雀五采翔集京師奉觴上壽帝
召賈逵勅蘭臺給筆札使作神雀頌

宋達扶風平陵人長沙傅之九世孫亦稱賈長頭達經術深厚非徒為記誦之學者然范稱其弱冠能誦左氏傳及五經本文則近制童子試能背誦五經者予登賢皆當奉長頭為鼻祖也

賈達字景伯拜侍中領騎都尉內備帷幄兼領秘書近署甚見信用

宋達于經學尤通左氏其云左氏義深于君臣公羊多任于權變真左立功臣也惜其附會議書曲解左傳以文致之則陋甚矣

王渙

王渙與洛陽令方畧捕賊賊乃藏大甕中悉擒獲

案渙字稚子廣漢郡人以侍御史拜洛陽令此似有誤後病卒百姓相與賦斂致奠殿為立祠安陽亭西其得人
心如此

黃香

黃香字文疆父況舉孝廉為郡五官貧無奴僕香躬執
勤苦盡心供養冬無被袴而親極滋味暑即扇牀枕寒
即以身溫席

案香江夏安陸人以至孝稱年十二太守署為門
下孝子范列文苑傳中畧其孝行不知香者也

黃香為魏郡太守俗每太守將交代添設儲峙輒數千萬香未入界移敕悉出所設什器及到頗有即徹去到官之日不祭竈求福閉門絕客

案范書
不載

黃香拜尚書令勤力憂公畏慎周密每用奏議所建畫未嘗流布然執事平法常持輕類全活非一

案時東平清河奏妖言卿仲連等連
及且千人香科別據奏全活甚衆

香知古今記羣書無不涉獵兼明圖讖天官星氣鍾律

歷算窮極道術京師號曰天下無雙國士瞻重京師貴
香慕其聲名更饋衣物拜尚書郎

案范
書畧

帝賜香淮南孟子各一通

章帝詔黃香令詣閣東觀讀所未嘗見書謂諸生曰此
目下無雙江夏黃童也

案諸生范作諸王時千乘王冠會中山邸乃詔
香殿下顧諸王而言從生誤也目下范作天下

馬嚴

馬嚴字威卿為五官中郎將邊境有事輒下嚴處便宜上初立汲汲欲知下情引納敕嚴有所見聞輒言帝令諸上便宜封表遣子以往都使詣省門上自勞以手書

案嚴伏波將軍兄子明帝察察章帝以寬大承之乃留心民事如此則寬大之中不廢慧察呂東萊稱為東漢賢君信哉今督撫提鎮皆得自進摺子上手批付責摺家人帶回蓋留心民瘼上堦堯舜矣

嚴父余卒時嚴方七歲依姊壻父九江連率平河侯王述明年母復終會述失郡居沛建武三年余外孫右扶風曹貢為梧安侯相迎嚴歸養視之至四年叔父援從

車駕東征過梧安乃將兄弟西嚴年十三至雒陽留寄
郎朱仲孫舍大奴步護視之嚴從其故門生肆都學擊
劍習騎射

案范
不載

馬嚴為陳留太守建初中嚴病遣功曹史李龔奉章詣
闕上召見龔問疾病形狀以黃金十斤葛縛佩刀書帶
革帶付龔賜嚴

案帝之寵嚴有逾
家人若此范不載